



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o utvrđivanju posebnog značaja za Grad Sarajevo
za Udruženje „Zajedno smo jedno“
(Prijedlog)

Predlagač: Gradonačelnica
Obrađivač: Gradska služba za lokalno poslovanje

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o utvrđivanju posebnog značaja za Grad Sarajevo
za Udruženje „Zajedno smo jedno“**

Član 1.

Ovom odlukom utvrđuje se da je Udruženje „Zajedno smo jedno“ od posebnog značaja za Grad Sarajevo, kao jedna od najuspješnijih nevladinih organizacija u Bosni i Hercegovini koja se bavi osnaživanjem zdravlja žena i pružanja direktne podrške oboljelim od karcinoma dojke, promocijom zdravlja svake žene i prevencijom bolesti, kroz implementaciju velikog broja različitih aktivnosti, a što predstavlja vrijednosti od posebnog značaja za Grad Sarajevo.

Član 2.

Djelatnosti Udruženja „Zajedno smo jedno“ finansirat će se iz sredstava Budžeta Grada Sarajeva, iznosom od 10.000,00 KM (slovima: deset hiljada, KM), kroz više budžetskih godina, odnosno dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

**Broj:
Sarajevo, __. __. 2024. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostaloga, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje „Zajedno smo jedno“, sa sjedištem u Sarajevu, obratilo se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo, protokoliranim pod brojem 07-02-4990/24 od 24.06.2024. godine. Uz zahtjev su dostavljeni dokazi o ispunjavanju općih i posebnih uslova definiranih Odlukom o načinu sticanja statusa udruženja i fondacija od posebnog značaja za Grad Sarajevo.

Udruženje „Zajedno smo jedno“, ženskim zdravljem i tematikom karcinoma dojke u našoj zemlji bavi se od 2004. godine, prvenstveno kroz program osnaživanja zdravlja žena. Organizacija radi i djeluje s ciljem podizanja svijesti o karcinomu i promociji zdravlja svake žene bez obzira na finansijsku situaciju, nacionalnu pripadnosti ili obrazovanje te podržava žene koje su preživjele karcinom dojke i obezbjeđuje im širok spektar psiho-socijalne podrške i rehabilitacije.

Organizacija „Think Pink – Zajedno smo jedno“ jedna je od osnivača evropskog udruženja „Think Pink Europe“ i veoma je cijenjena organizacija na evropskom nivou.

Prateći najnovija naučna istraživanja te preporuke i smjernice svjetskih i EU institucija u pogledu pružanja bolje skrbi i jednakog pristupa tretmanu za onkološke pacijente, kroz istovremeno pružanje direktne podrške pacijenticama oboljelih od karcinoma dojke i ginekoloških karcinoma, ali i iniciranje uvođenja i upotrebe telemedicine, kao i personalizirane medicine, kao važne karike u poboljšanju brige, njege i informiranja pacijenata, navedeno udruženje djeluje u korak s vremenom i svjetskim trendovima u polju brige i njege onkoloških pacijenata.

Gradonačelnica je, u skladu sa odredbama Odluke o uslovima i načinu sticanja statusa udruženja i fondacija od posebnog značaja za Grad Sarajevo, uputila Gradskom vijeću Grada Sarajeva prijedlog da se za Udruženje „Zajedno smo jedno“ utvrdi status od posebnog značaja za Grad Sarajevo.

Cijeneći naprijed navedeno, kao i Mišljenje Gradske službe za lokalno poslovanje, broj 07-02-4990/24 od 26.06.2024. godine i člana 8. stav (1) Odluke o uslovima i načinu sticanja statusa udruženja i fondacija od posebnog značaja za Grad Sarajevo te imajući u vidu činjenicu da internacionalno djelovanje Udruženja „Zajedno smo jedno“ doprinosi afirmaciji grada Sarajeva i Bosne i Hercegovine na evropskom i svjetskom nivou kroz organizaciju najvećeg društveno odgovornog događaja za žensko zdravlje u Sarajevu – „Race for the Cure“, ali i kroz osnivanje evropske organizacije „Think Pink Europe“ sa sjedištem u Briselu, što predstavlja vrijednosti od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.